

Grad Novi Pazar

Skupština grada

Odbornička grupa SDA Sandžaka

Novi Pazar

03. septembar 2023. godine

P R E D S J E D N I K U
SKUPŠTINE GRADA NOVOG PAZARA

Na osnovu člana 44. stav 1. i člana 149. Statuta grada Novog Pazara („Službeni list grada Novog Pazara“, broj 6/19), člana 44. stav 1. i člana 138. stav 1. Poslovnika Skupštine grada Novog Pazara („Službeni list grada Novog Pazara“, broj 6/19) podnosimo **PRIJEDLOG ODLUKE O UTVRĐIVANJU PRAVILA U VEZI RASPODJELE SREDSTAVA NA KONKURSU ZA SUFINANSIRANJE PROJEKATA ZA OSTVARIVANJE JAVNOG INTERESA U OBLASTI JAVNOG INFORMISANJA NA TERITORIJI GRADA NOVOG PAZARA**, sa prijedlogom da se, shodno članu 109. Poslovnika Skupštine grada Novog Pazara, uvrsti u dnevni red na sjednici Skupštine grada koja je zakazana za 04. septembar 2023. godine.

Predsjednik odborničke grupe

mr. Ahmedin Škrijelj

PRIJEDLOG

Na osnovu člana 32. stav 1. tačka 20) Zakona o lokalnoj samoupravi („Službeni glasnik RS“, broj 129/2007, 83/2014 – dr. zakon, 101/2016 – dr. zakon i 47/2018), člana 147. Statuta grada Novog Pazara („Službeni list grada Novog Pazara“, broj 6/19) i člana 137. Poslovnika Skupštine grada Novog Pazara („Službeni list grada Novog Pazara“, broj 6/19), Skupština grada Novog Pazara na sjednici održanoj 04. septembra 2023. godine, donosi

O D L U K U

O UTVRĐIVANJU PRAVILA U VEZI RASPODJELE SREDSTAVA NA KONKURSU ZA SUFINANSIRANJE PROJEKATA ZA OSTVARIVANJE JAVNOG INTERESA U OBLASTI JAVNOG INFORMISANJA NA TERITORIJI GRADA NOVOG PAZARA

Član 1.

Skupština grada utvrđuje pravilo da se nijednom podnosiocu projekta na konkursu za sufinansiranje projekata za ostvarivanje javnog interesa u oblasti javnog informisanja na teritoriji grada Novog Pazara, ne može dodijeliti više od 25% sredstava predviđenih po konkursu.

Skupština grada obavezuje organe grada Novog Pazara da raspisuju poseban konkurs za finansiranje medija na bosanskom jeziku.

Član 2.

Ovu odluku objaviti u „Službenom listu grada Novog Pazara“.

SKUPŠTINA GRADA NOVOG PAZARA

Broj:

U Novom Pazaru, 04. septembar 2023. godine

PREDSJEDNIK

Dr. Anela Šemović

O B R A Z L O Ž E N J E:

Pravni osnov za donošenje ove odluke sadržan je:

- u članu 32. stav 1. tačka 20) Zakona o lokalnoj samoupravi („Službeni glasnik RS“, broj 129/2007, 83/2014 – dr. zakon, 101/2016 – dr. zakon i 47/2018);
- u članu 147. Statuta grada Novog Pazara („Službeni list grada Novog Pazara“, broj 6/19);
- i članu 137. Poslovnika Skupštine grada Novog Pazara („Službeni list grada Novog Pazara“, broj 6/19).

Razlozi za donošenje odluke:

Razlozi za donošenje ove odluke sadržani su u potrebi da Skupština grada, kao najviše političko i predstavničko tijelo građana Novog Pazara, pravnično poštujući princip ravnopravnosti osigura da svi medijski projekti budu ravnomjerno podržani iz budžeta grada.

Dosadašnja praksa je pokazala da primjenom političkih aršina RTV Novi Pazar je godinama favorizovana u odnosu na ostale medije. RTV Novi Pazar, nekada javno preduzeće a sada privatna medijska kuća, postala je partijska televizija gradske vlasti u Novom Pazaru i stranaka koje čine tu vlast. Na posljednjem konkursu za finansiranje medija za 2023. godinu, ovoj meijdskoj kući dodijeljeno je 36.900.000 dinara od ukupno 46.050.000 dinara odnosno 80,13%.

Na taj način, partijska televizija se finansira sredstvima građana Novog Pazara.

Donošenjem ove odluke sprečava se dalje otvoreno favorizovanje medija koji služe strankama na vlasti i uvodi se princip jednake dostupnosti sredstava svim medijima za sufinansiranje i finansiranje njihovih aktivnosti. Takođe, ovom odlukom uvodi se obaveza da se raspisuje poseban konkurs sa finansiranje medija na bosanskom jeziku što je zakonom utvrđena obaveza koja se do sada nije poštovala.

Objašnjenje pojedinih rješenja propisanih ovom odlukom:

Član 1: Utvrđen je predmet odluke.

Član 2: Propisana je obaveza objavljivanja u „Službenom listu grada Novog Pazara“.

Finansijska sredstva za sprovođenje ove odluke nisu potrebna

